

Autonome Provinz Bozen



Provincia Autonoma di Bolzano

Provincia Autonoma de Balsan-Südtirol

Istruziuns por i ofizi litai dla seziun

Indesc

Pröma pert	5
L'ofize lital dla seziun	5
1. Composiziun y nominaziun dl ofize lital dla seziun y validité di laûrs dl ofize (art. 1, comesc 17 y 18, l.p. y art. 53 l.r.)	5
2. Dovëis y podëis dl presidënt dla sënta litala (artt. 41-53 l.r.)	5
3. Dovëis, podëi de consulënza y de dezijiun di cumpëdausc (artt. 38-41-49-53-54-55-58-59-60 l.r.)	6
4. Dovëis dl scrivän dla sënta litala (artt. 55-69 l.r.)	6
5. Sënta litala speziala (art. 46 l.r.)	8
6. I rapresentanéc de lista (art. 23 l.r.)	8
Secunda pert	10
I laûrs de preparaziun denant che al vëgnes metü sö la sënta litala	10
7. Control dla mobilia tl local lital da pert dl presidënt dl ofize lital	10
8. Surandada al presidënt dl ofize lital di ac y di ogec che va debojëgn por les lîtes y por la cumpëda dles usc	11
9. Verda dl salf lital	12
10. Intenüda dl presidënt cun la direziun dles éiases de cura o dles porjuns por fà fora le momënt dla racoiüda dles usc	12
Terza pert	13
Costituziun dl ofize lital dla seziun	13
Lîtes	13
11. Istituziun dl ofize lital dla seziun	13
12. Amisciun di rapresentanéc de lista (art. 23 l.r.)	13
13. Daurida dl injop sigilé che contëgn le stempl dla seziun (art. 38 l.r.)	13
14. Autenticaziun dles zetoles litalas (art. 38 l.r.)	14
15. Surandada al presidënt dla sënta litala speziala dles zetoles litalas y dl material che va debojëgn por les lîtes	14
16. Amisciun di litadus ales lîtes (artt. 42-43 l.r.)	15
17. Identificaziun di litadus (art. 49 l.r.)	16
18. Presentaziun dl zertificat lital, dla sentënza dla Curt d'Apel o dla detlaraziun dl ombolt (art. 50 l.r.)	17
19. Surandada dla zetola litala y dl raisplais copiënt. Espresciun dla usc (artt. 50 - 51 l.r.)	17
20. Caji particulars che po gni a s'al dè tran les lîtes (artt. 42-43-48 l.r.)	18
21. Lîtes de chi che é te na éiasa de cura y de chi che é te porjun che à le dërt de lité	23
22. Laûrs da desfiré fora tran les lîtes, a pert chi dà dant ti paragrafs da denant	29
23. Stlütä dles lîtes (artt. 52 y 54 l.r.)	30
24. Oblianzes da adempli pornanche al vëgn stlüt jö les lîtes (art. 54 l.r.)	30
25. Oblianzes finales di laûrs preodüs por la domënia	31
Cuarta pert	32
La cumpëda dles usc	32
26. Recomposiziun dl ofize lital y laûrs preliminars dla cumpëda dles usc	32
27. Cumpëda y registraziun dles usc	32

28. Caji de nulité – zetoles blanćes – zetoles y usc contestades (artt. 56-57 l.r.)	33
29. Laûrs de control (artt. 51-58 l.r.)	34
30. Ofizi che ne n'è nia bugn de stlùje jö i laûrs preodüs por le lõnesc	36
31. Retüda al ombolt di locai y dla mobilia dla sēnta litala	37

ANOTAZIUN

La indicaziun dl provedimënt legislatif „l.r.“ se referësc al test coordiné dles leges regionales por les lîtes dl consëi regional dè dant chilò dessot, deperpo che la indicaziun dl provedimënt legislatif „l.p.“ se referësc al test dla lege provinziala „Normes sön les lîtes dl consëi dla Provinzia Autonoma de Balsan por l’ann 2003“, inçe chësc dè dant chilò dessot.

Pröma pert

L'ofize lital dla seziun

1. Composiziun y nominaziun dl ofize lital dla seziun y validité di laûrs dl ofize (art. 1, comes 17 y 18, l.p. y art. 53 l.r.)

Aladô di comes 17 y 18 dl art. 1 dla l.p. vëgnel nominé por vigni seziun n ofize lital dla seziun, metü adöm da n presidënt, trëi cumpëdausc y le scrivan. Un di cumpëdausc, chirì fora dal presidënt, surantol la incíaria dl vizepresidënt; sce al é tl raiun dl ofize lital dla seziun ospedai o cíases de cura cun manco de 100 leç é l'ofize lital metü adöm dal presidënt, cater cumpëdausc y le scrivan.

Acioche i laûrs dla sënta litala veles, mëss **almanco trëi mëmbri dl ofize lital tres ester presënc**, danter chisc le presidënt o le vizepresidënt (art. 53 l.r.), ater co por les normes di paragrafs 6 (por i laûrs preliminars) y 26 (por la cumpëda dles usc) nia.

Sce le presidënt ne n'è nia presënt canche al vëgn metü sö l'ofize lital dla seziun vëgn la presidënza surantuta dal ombolt o da n so deleghè chirì fora danter i litadus dl comun (art. 30 l.r.).

Sce düc o n valgügn di atri mëmbri ne n'è nia presënc canche al vëgn metü sö l'ofize lital dla seziun, se fistidiëia le presidënt de sostituì chi che mancia aladô dles prescriziuns preodüdes dal art. 38 l.r., cherdan can un can l'ater, le litadù plü vedl y le plü jonn presënc tla sënta litala, tan inant che ai ne n'è nia rapresentanc de lista o che ai ne fej nia pert de na categoria de porsones (art. 32 l.r.) che ne po nia fà le cumpëdausc.

2. Dovëis y podëis dl presidënt dla sënta litala (artt. 41-53 l.r.)

Le presidënt dla sënta litala:

- é le suraintendënt de düc i laûrs litai;
- ademplësc diretamënter, daidé da chël cumpëdausc che surantol les funziuns de vizepresidënt, düc chi laûrs che ti vëgn scrié dant formalmënter dala lege;
- tol la dezijiun, do avëi aldì la minunga di cumpëdausc, por dotes les dificolts y i inzidënc che vëgn dant tratan i laûrs dla seziun, por les retlamaziuns incé a usc y por les protestes che vëgn presentades, sciöche incé por les contestaziuns y l'anulamënt dles usc (art. 53, pröm coma l.r.). Les dezijiuns dl presidënt che à da nen fà cun les usc contestades mo nia

assegnades é daldöt provisosores, porvia che ares vëgn dedô controlades ciamò n iade dal ofize lital zentral (art. 1, coma 6 l.p. y art. 62 l.r.);

- é inciarié dl podëi de polizia y po porchël s'anuzé di rapresentanc dla Forza publica y dles forzes armades por arlontanè o fà sarè ia chi che destürba la prozedöra regulara di laùrs litai o che comèt n reat (art. 41 l.r.). Por ci che reverda le podëi de polizia dl presidënt fora dl local lital pol ti damanè sides ales autoritês ziviles co ai comandanc di soldas döt ci che al arata che vais debojëgn por ti garanti ai litadus l'azès tl local lital y por ne pormëte gnanca amüdlamënc tles strades dlungia. Le presidënt po, por fà na ezeziun do süa minunga, y mëss, sce trëi cumpëdausc s'al damana, comanè che la Forza publica vëgnes ite y restes tl salf lital, ince denant che al mëtes man les lîtes (art. 41 l.r.);
- po fà arlontanè i litadus che pisima aposta da dè jö la usc o che ne respogn nia sce al i inviëia da dè jö la zetola litada. Chisc litadus podarà impormò lité indô do che düc i atri litadus presënc tl local lital arà dè jö süa usc.

3. Dovëis, podëi de consulënza y de dezijiun di cumpëdausc (artt. 38-41-49-53-54-55-58-59-60 l.r.)

I cumpëdausc:

- dëida le presidënt da cumpedè y da timbré les zetoles litalas;
- se fistidiëia de registré y identifiché i litadus che se presënta a dè jö la usc;
- se fistidiëia de trà fora vigni zetola litala fora dla urna y de registré les usc deperpo che ares vëgn cumpedades;
- ademplësc les inciaries revardëntes i laùrs y le funzionamënt dla sënta litala che le presidënt ti surandà;
- ti dij al presidënt süa minunga ti caji aladô dla lege (art. 49 y 53, pröm coma l.r.) o canche al s'al damana.

Tan inant che trëi cumpëdausc se damana la presënza dla Forza publica tl salf dla seziun ince denant che les lîtes mëtes man, é le presidënt oblié da ti gni adincuntra a chësta ghiranza, aladô dl art. 41, cuarto coma, l.r..

4. Dovëis dl scrivän dla sënta litala (artt. 55-69 l.r.)

Le scrivan dèida le presidënt te düc i laûrs dla sënta litala. En particular:

- scrîel le verbal;
- registrêiel les usc deperpo che al vëgn cumpedè les zetoles litades.

I laûrs che se desfira fora ti ofizi litai dla seziun forma la basa por dōta la prozedōra litala. Aladō di resultač de chisc laûrs realisëia l'ofize lital zentral apuntin i laûrs de sūa competënza por la surandada di scagns y por la proklamaziun di candidač lità; al va porchël assolutamënter debojëgn che le scrivan scrîes tl verbal le plü avisa y tla maniera plü menüda che ara va düc i laûrs desfirà fora tla sënta litala tratan dōt le tēmp d'ofize, sciōche incē vigni fat straordinar (inzidēt, contestaziun o ater) che ess da se verificché tratan les lîtes y dōtes les protestes y les retlamaziuns che ess da gnì presentades tratan i medemi laûrs spezifican les dezijiuns tutes dal presidënt.

Al vëgn racomanè dassënn de ciarè che al vëgnes dè dant avisa y completamënter i dač damanà, dantadōt chi che à da nen fà cun le resultat dla cumpèda; implü mēssel gnì metü dër averda a sciōche al vëgn scrit fora le verbal y les tabeles dla cumpèda, porvia che les indicaziuns numeriches reportades chilò lassura messarà corespogne avisa nia madër cun i singui paragrafs dl verbal, mo incē cun chisc y les tabeles dla cumpèda adorades por la registraziun dles usc tratan la cumpèda dles zetoles litalas.

Por alisiré chësc compit él gnü arjigné ca modei aposta por le verbal che contëgn i elemēnc plü importanè scrié dant dal art. 1, coma 28 l.p., y prevëiga, te paragrafs aposta, l'ordinn cronologich dl prozès normal di laûrs, da canche al vëgn metü sō l'ofize lital a canche al vëgn tut jō; tla compilaziun dl verbal messaràn mēte averda da sferié fora chës perts dl test che se referësc a ci che ne n'è nia gnü a s'al dè tratan i laûrs. Sce les lercs nia scrîtes fora tl test dl verbal ne n'ess nia da bastè podaràl gnì adorè les plates aposta che ti é gnüdes injuntades al medemo verbal, dan magari na indicaziun ala pert dl test interessada.

Al vëgn recordè che le scrivan porta, adöm cun le presidënt, la responsabilità por ci che reverda la compilaziun regulara dl verbal, la racoiüda y la conservaziun di ac injuntà; chi che ne se tēgn nia a chësc po gnì strafà cun les sanzions penales preodüdes dal art. 104 dl T.U. di 30 de merz 1957, n. 361 y mudaziuns suandēntes.

Le verbal vëgn scrit fora n iade por talian y n iade por todësch, ti comuns ladins, pol gnì scrit fora por ladin.

5. Sënta litala speziala (art. 46 l.r.)

Tles seziuns litalas che à te so raiun ospedai y ciases de cura cun almanco 100 y cina 199 leç o porjuns o ciases de custodia preventiva mëssel gnì metü sö na sënta litala apostata.

La sënta litala speziala mëss implü gnì metüda sö ti ospedai olache al é amarà che ne n'è aladô dla direziun sanitara nia bugn de dè jö süa usc tles cabines.

La sënta litala speziala, nominada dal ombolt, é metüda adöm dal presidënt, da n cumpëdausc y dal scrivàn.

La sënta litala speziala vëgn metüda sö dales 6.00 dl dé dles lîtes, tl medemo momënt che al vëgn metü sö l'ofize lital dla seziun.

Por ci che reverda la sostituziun di mëmbri dla sënta litala speziala, che mancia eventualmënter o che ne po nia ester presënc, vëgnel fat referimënt ales istruziuns dades dant tl paragraf 1 por la sostituziun di mëmbri dles sëntes litalas normales.

Le dovëi dla sënta litala speziala é madër chël de se fistidié de cöie adöm les usc:

- di amarà tles ciases de cura cun almanco 100 y cina 199 leç;
- di prijoniers che à le dërt de lité tles porjuns y tles ciases de custodia preventiva;
- di amarà tles seziuns che ne n'è aladô dla direziun sanitara nia tles condiziuns de podëi jì tla sënta litala dl ospedal a dè jö süa usc.

I dovëis dla sënta litala speziala se röia pormanche les zetoles litalas, dades jö dales categories de litadus nominades chilò dessura y metüdes te na coperta, vëgn portades tla seziun por gnì metüdes atira tla urna destinada a contignì les zetoles litades.

Al vëgn porchël recordè che i mëmbri dla sënta litala speziala ne po nia tó pert ala autenticaziun dles zetoles litalas, cossa che po madër gnì fata dai mëmbri dla sënta litala normala.

6. I rapresentanc de lista (art. 23 l.r.)

I delegà dles listes di candidac dà dant tl ultimo coma dl art. 18 l.r., po nominé dui rapresentanc (un n efetif y un n suplënt) te vigni seziun litala y tla sënta litala zentrala.

Por gnì nominà candidac de lista n'adóron degun requisit particular, ater co chël de ester litadus de n comun dla Provinzia de Balsan.

Les nominaziuns mëss gnì fates por iscrit y la firma di delegà mëss gnì autenticada da n notar, dal canzlier de n ofize iudiziar, dal apajadù o dal secretêr de comun.

L'at de designaziun di rapresentanc ti ofizi litai dla seziun po gnì presentè al ombolt, che se fistidiarà de ti al fà avèi ai presidënc dles singoles sëntes litalas o diretamënter ai singui presidënc denant che al mëtes man les lîtes.

L'at de designaziun di rapresentanc tl ofize lital zentral ti mëss gnì presentè cina les 12.00 dl dé dles lîtes ala repartiziun provinziala di Sorvisc Zentrai, che scriarà fora na recioiüda.

I rapresentanc de lista:

- a) à le dërt de tó pert a düc i laûrs dl ofize lital dla seziun y dl ofize lital zentral, se sentan te salf olache al vëgn desfiré fora i laûrs y te na posiziu da podèi osservè i laûrs instësc;
- b) po se tó do na copia dla lista litala dla seziun sce ai nen à öna y se scrì sö chi che lîta;
- c) po ti damanè al presidënt de scrì de vigni sort de pices detlaraziuns tl verbal, de firmé le verbal instës, les strisciores che stlùj les urnes y les copertes che contëgn i ac dles lîtes y dla cumpëda;
- d) po se vistì tla sënta litala dla seziun na fascia o n ater sëgn che ais lassura le simbol dla lista rapresentada. Sce ai se al damana po i rapresentanc de lista inçe tó pert ala racoiüda dles usc fata tla sënta litala speziala (art. 46, cuarto coma, l.r.).

Tratan i laûrs de preparaziun dl ofize lital dla seziun, preodüs dal art. 38 l.r. ne podarà degügn s'arlonanè dal salf lital. I rapresentanc de lista po stè dan le salf dla sënta litala dla seziun tl tëm che chësc resta stlüt.

Le presidënt po, do avèi aldì i cumpëdausc y cun na desposiziu motivada, fà arlonanè dal salf lital le rapresentant de lista che adores la forza o che destürbes dassënn, cinamai do che al é gnü bruntorè dui iadi, la prozedöra regulara di laûrs

litai (art. 26, secundo coma, dl T.U. di 30 de merz 1957 nr. 361 y mudaziuns suandëntes).

Secunda pert

I laûrs de preparaziun denant che al vëgnes metü sö la sënta litala

7. Control dla mobilia tl local lital da pert dl presidënt dl ofize lital

Le dé dan chël dles lîtes messarà le presidënt jì tl comun olache al à da desfiré fora sües funziuns, sides por surantó le material dè dant tl paragraf suandënt, co por controlè la mobilia dl salf lital, chësc por podëi atira eliminé problems che podess magari saltè fora.

En particular mëss le presidënt controlè:

1. la sistemaziun adatada y la stabilité dla stramesa che despartësc le salf lital te döes perts;
2. la posiziun regulara dla mësa litala y dles urnes sön chësta;
3. la instalaziun adatada tl salf lital dles cabines por dè jö la usc.

Le presidënt mëss implü s'assicuré che les cabines pîtes na garanzia assoluta por che an pois dè jö la usc te na manira socrëta y che la mësa y la lerch da scrì fora les zetoles litalas vais bun; tles cabines ne pol ester no pënes no d'atri stromënc da scrì.

4. la regolarité dles urnes surandades ala seziun.
Öna dles urnes é destinada a contignì les **zetoles litalas autenticades** che é da ti dè ai litadus y gnarà metüda a man ciampa dl presidënt dla sënta litala, deperpo che l'atra, a man dërta é destinada a tó sö les **zetoles litades dades jö dai litadus**. La funziun de vigni urna mëss gnì dada dant da scrites aposta metüdes sö sides dala pert cuntra le publich co dal'atra cuntra i mëmbri dla sënta litala, a na manira che al ne pois nia gnì fat fai canche al vëgn metü ite les zetoles litalas do che al é gnü lité.

I presidënc dles seziuns che à te so raiun ciases de cura cun manco de 100 leé mëss se fistidié che al vëgnes arjigné ca tles ciases de cura instësses na cabina mobila o n ater meso olache an pois lité te na manira lëdia y socrëta.

Le medemo control mëss inçe gnì fat dai presidënc dles sëntes litalas speziales che é inciarià de cöie adöm les usc di amarà te ciases de cura cun almanco 100 y

ćina 199 leć, di prijoniers che à le dërt de lité y, por la seziun dl ospedal, di litadus che ne n'è aladô dla direziun sanitara dla ćiasa de cura olache al é la seziun nia bugn de dè jö súa usc tla cabina.

8. Surandada al presidënt dl ofize lital di ac y di ogeć che va debojëgn por les lîtes y por la cumpëda dles usc

La sabeda domisdé dan les lîtes (dales 16.00 inant) mëss l'ombolt o n so deleghè ti surandè ti locai dl ofize lital dla seziun al presidënt dla sënta litala le material suandënt:

1. les urnes litalas;
2. les listes litalas dla seziun;
3. n estrat dles listes litalas da tachè sö tl salf lital o tl salf da aspetè;
4. l'at de nominaziun dl ofize lital dla seziun y dla sënta litala speziala;
5. i ac de designaziun di rapresentanc de lista tla seziun;
6. i poć sigilà dles zetoles litalas cun la indicaziun dl numer dles zetoles;
7. le injop sigilé che contëgn le stempl dla seziun;
8. le material de canzlaria y i stampà che va debojëgn por les lîtes;
9. n poch por la sënta litala speziala o por l'ofize lital destachè, tan inant che al é tla seziun ćiasas de cura cun manco de 200 leć o porjuns; le poch contëgn, a pert le material de canzlaria y i atrì stampà che va debojëgn, le stempl, les listes injuntades por i litadus amarà o sarà ia y, por vigni ćiasa de cura o por vigni porjun, na copia dl verbal, la coperta por les zetoles litalas autenticades y la coperta por les zetoles litades.

Al presidënt dla sënta litala ti mëssel implü gnì dè jö les listes che contëgn les categories di litadus suandënc:

1. litadus morć do la revijiun straordinaria dles listes (15° dé dan chël dles lîtes) o morć dan chësta revijiun, mo nia tuć fora dles listes;
2. litadus che ne po nia tó pert ales lîtes, porvia che ai é scrić ite tles listes de n'atra seziun o de n ater comun;
3. litadus residënc foradecà;
4. litadus che ne n'ê nia da ciafè tles inrescides litalas fates denant y inće tl tëmپ che al é gnü partì fora i zertificac litai;
5. litadus che é te ospedal, te tliniches, te ćiasas de cura en general, che à damanè de podëi lité aladô dl art. 44 l.r.;

6. prijoniers che à le dërt de lité, che à damanè de podèi dè jö la usc aladô dl art. 44 l.r.;
7. litadus che à ciafè n duplicat dl zertificat lital;
8. litadus che po lité tla seziun aladô de na detlaraziun dl ombolt en conformité cun l'art. 32-bis dl D.P.R. 223/67;
9. litadus che à pordü le dërt de lité do la publicaziun dl decret che scrî fora les lîtes aladô dl art. 32-ter dl D.P.R. 223/67.

Tles seziuns litalas che à te so raiun ospedai o éiases de cura cun manco de 100 leé y ospedai y éiases de cura cun almanco 100 y éina 199 leé o porjuns y éiases de custodia preventiva mëss le presidënt ciafè, pro le material dè dant chilò dessura, la lista di litadus che po lité aladô di artt. 45, 46 y 47 l.r..

Le poch sigilé dles zetoles litalas y l'injop sigilé che contëgn le stempl dla seziun po impormò gnì daveré le dé dles lîtes dadoman, do che al é gnü metü sö l'ofize lital.

9. Verda dl salf lital

N iade che le presidënt à ciafè le material che va debojëgn por les lîtes pórtel ël la responsabilité por la conservaziun y le control de chësc. Al mëss porchël se fistidié che al vëgnes éiarè sura indortöra dl salf destiné ales lîtes, dla mobilia y dl material dè jö dal ombolt y cumpedè sö tl paragraf da denant. Por chësc fin ti dâl desposiziuns ai rapresentané dla Forza publica en sorvisc tla seziun.

10. Intenüda dl presidënt cun la direziun dles éiases de cura o dles porjuns por fà fora le momënt dla racoiüda dles usc

Acioche i laürs pois se desfiré fora regolarmentèr aràton che al vais debojëgn che le presidënt dla seziun a chël che al ti vëgn surandè éiases de cura cun manco de 100 leé y le presidënt dla sënta litala speziala inciarié de cöie adöm les usc di amarà o di prijoniers se la fejes fora cun la direziun dles éiases de cura o dles porjuns interessades, bele denant che al vëgnes metü sö la sënta litala, canche an jarà a cöie adöm les usc di litadus amarà o sarà ia te chisc posé.

Terza pert

Costituziun dl ofize lital dla seziun

Lîtes

11. Istituziun dl ofize lital dla seziun

L'ofize lital dla seziun vëgn metü sö dales 6.00 dl dé dles lîtes.

Sce n valgügn o düc i cumpëdausc ne n'è nia presënc o sce ai ne n'è nia gnüs nominà, se fistidiëia le presidënt, aladô dl art. 38, secundo coma l.r., de i sostitui sciöche al é dè dant tl paragraf 1.

Sce al mancia n valgügn mëmbri dl ofize lital dla seziun y sce le presidënt ne n'è nia bun de i sostitui porvia che al mancia litadus che ais i recuisic damanà dala lege, messarà l'ofize lital impò gnì metü sö y mëte man sü laûrs tan inant che almanco dui mëmbri dla sënta litala y le presidënt é presënc.

Le presidënt messarà spo sambëgn jì inant pornanche ara jarà cun la istituziun dl ofize lital, tolon sö impröma i cumpëdausc nominà dal ombolt che s'arà presentè intratan y baratan spo fora chi che mancia sciöche al é dè dant tl paragraf 1.

Dala medema ora dl dé dles lîtes y tl medemo momënt che al gnarà metü sö l'ofize lital dla seziun gnaràl ti caji preodüs dala lege ince metü sö la sënta litala speziala.

12. Amisciun di rapresentanc de lista (art. 23 l.r.)

Odüdes les detlaraziuns dades jö dal ombolt o ciafades diretamënter denant che les lîtes mëtes man, ti pormët le presidënt ince ai rapresentanc de lista de tó pert ai laûrs litai, do che al à controlè süa identité y la regolarité de süa designaziun, che mëss ester antergnüda aladô dl art. 23 l.r..

13. Daurida dl injop sigilé che contëgn le stempl dla seziun (art. 38 l.r.)

Atira do che al é gnü metü sö l'ofize lital y do che le presidënt ti à mostrè ai mëmbri dla sënta litala la mobilia regulara dl salf lital y la condiziun perfeta dles urnes, se fistidiëiel de ti mostrè a d'èi la integrité dl sigil che stluj le poch olache al é le stempl dla seziun laite, spo deurel le poch.

14. Autentificaziun dles zetoles litales (art. 38 l.r.)

Denant che autentifiché les zetoles litales y do che al à aldì la direziun interessada, definësc le presidënt dla seziun o le presidënt dla sënta litala speziala l'ora da jì tles ciases de cura o tles porjuns a cöie adöm les usc di litadus tué sö o sarà ia te chisc posé y ti al lascia alsavëi ai atri mëmbri.

Do che le presidënt ti à mostrè ai presënc la integrité perfeta di poç che contëgn les zetoles litales, arjignà ca y sigilà dala repartiziun provinziala di Sorvisc Zentrai, deurel i poç y controlëia le numer dles zetoles litales che é laite.

Le presidënt tol spo fora dl poch tan de zetoles litales nezesciares por les lîtes che al é litadus scrié ite tles listes dla seziun y les autentifichëia meton lassura le stempl dla seziun.

Tles seziuns dl ospedal y te chëres che à te so raiun ciases de cura o porjuns cumpedaràn pro le numer dles zetoles litales da autentifiché incé chël di litadus surandà ala seziun aladô dl art. 44 l.r. y contignüs te listes aposta che le presidënt dla sënta litala à ciafè dal ombolt adöm cun i ogec y i atri stampà che va debojëgn por i laûrs litai y por la cumpëda dles usc.

Les zetoles litales ne mëss no gni numerades no firmades, mo madër timbrades cun le stempl dla seziun.

Tratan chisc laûrs ne po degügn s'un jì fora dl salf lital.

N iade che les zetoles litales é autentificades y che le presidënt ti à mostrè ai presënc che l'urna destinada a contignì les zetoles litales autentificades é completamënter öta, mëtel ite dötes les zetoles litales autentificades y arjignades por les lîtes.

Les zetoles litales dessorora gnarà adorades, incina che les lîtes é davertes, por sostituì chëres autentificades mo rovinades, chëres che ti é gnüdes surandades a litadus che ne n'é nia scrié ite tles listes scebëgn che ai ais le dërt de lité tla seziun, y chëres che ti é gnüdes surandades ai litadus che pisimâ massa y à porchël messü arbandonè les lîtes mo che s'à indô presentè.

Do che le presidënt à tla finada mostrè che l'urna destinada a tó sö les zetoles litades é öta, se fistidiëiel de la stlÿje y de la sigilé.

15. Surandada al presidënt dla sënta litala speziala dles zetoles litales y dl material che va debojëgn por les lîtes

Denant che detlarè les lîtes davertes se fistidiëia le presidënt de ti surandè al presidënt dla sënta litala speziala les zetoles litalas, autenticades y metüdes te n injop aposta, che va debojëgn por les lîtes di amarà che é te ciases de cura cun almanco 100 y cina 199 lecé, di prijoniers che à le dërt de lité tles porjuns y tles ciases de custodia preventiva y, por les seziuns dl ospedal, di amarà che ne n'é nia bugn de jì te cabina a dè jö súa usc.

Le presidënt anotëia tl verbal tan de zetoles litalas che al ti vëgn dè al presidënt dla sënta litala speziala.

Pro les zetoles litalas ti surandà le presidënt al presidënt dla sënta litala speziala i verbai, les listes injuntades, les copertes y le material che va debojëgn por les lîtes.

L'ora canche les lîtes mët man mëss gnì dada dant tl verbal.

16. Amisciun di litadus ales lîtes (artt. 42-43 l.r.)

Le presidënt detlarëia les lîtes davertes.

Al po gnì dè jö la usc da chël litadù che se presënta personalmënter tl ofize lital dla seziun y che é scrit ite te sües listes.

Al ti po inçe gnì conzedü de lité a litadus che ne n'é nia scriç ite tles listes dla seziun, plü avisa:

1. a düc chi che se presënta cun na sentënza dla Curt d'Apel o cun na detlaraziun dl ombolt, te chëra che al vëgn detlarè che ai é litadus dl comun;
2. ai mëmbri dla sënta litala, ai rapresentanc de lista, ai ofiziers y ai funzionars dla Forza publica en sorvisc dl ordinn publich, tan inant che ai é scriç ite tles listes litalas de n comun dla Provinzia de Balsan;
3. ai candidac a condiziun che ai sides scriç ite tles listes litalas de n comun dla Provinzia de Balsan;
4. ai soldas, ai mëmbri di corps organisà militarmënter al sorvisc dl Stat y ai mëmbri dla Polizia de Stat, a condiziun che ai sides scriç ite tles listes litalas de n comun dla Provinzia de Balsan. Ai po lité dan dai atri litadus.

I litadus dà dant ti numeri 2, 3 y 4 messarà mostrè sö le zertificat lital.

I inoms di litadus dà dant ti numeri 1, 2 y 3 vëgn registrà dal presidënt ala fin dla lista dla seziun y tl verbal vëgnel tignì cunt de chisc (art. 42 l.r.); chi che é dà dant tl numer 4 vëgn registrà dal presidënt ala fin dla lista dla seziun (art. 1, coma 26 l.r.) y implü vëgnel cíamò scrit sö tla lerch rerservada aposta por les anotaziuns le Comando militar o le Corp organisé militarmënter da chël che le litadù depënn.

17. Identificaziun di litadus (art. 49 l.r.)

Le litadù che se presënta a lité mëss imprömadedöt gnì identifiché.

La identificaziun po antergnì:

1. tres n documënt cun n retrat che coresponges ala figöra reala de chël che le mostra sö. A pert i documënc de identificaziun scrié fora dala aministraziun publica (cherta d'identité – passaport – patent dl auto – portaermes – liber dles ferates y i.i.) vèlèl inçe i zertificac de reconescimënt scrié fora dala Uniun nazionala di ofiziers en ponsiun dla Talia (U.N.O.P.T.), a condiziun che al sides n retrat lassura y che ai sides gnüs atestà da n Comando militar, y i zertificac scrié fora dai ordinns profesconai, a condiziun che al sides n retrat lassura. Por la identificaziun di litadus vèlèl inçe i documënc de identificaziun scrié fora dala aministraziun publica tomà, a condiziun che ai sides regolars sot a vigni ater punt d'odüda;
2. tres l'atestaziun de un di mëmbri dl ofize lital aladô dl art. 49, coma 2, l.r.;
3. tres l'atestaziun de n ater litadù dl comun, conesciü al ofize lital (art. 49, terzo coma, l.r.) o lascè pro a lité sön la basa de n documënt d'identificaziun personala regular. Al é da aratè „conesciü al ofize lital“ le litadù che é conesciü „personalmënter“ da almanco un n mëmber dl ofize lital instës o che pois lité sön la basa de n documënt d'identificaziun personal regular scrit fora da na aministraziun publica.

La atestaziun vëgn fata meton la firma de chël che identifichëia tla corona preodüda tla lista litala dla seziun; la lege se damana che le presidënt ti recordes al litadù che sce al dij fora le falz gnaràl straufè cun les sanzions fates fora dal art. 104 dl T.U. di 30 de merz 1957, nr. 361 y mudaziuns suandëntes.

Por evité eventualmënter iregolaritës y por alisiré la identificaziun de chi che ess dè dant le falz fajarà i presidënc dla sënta litala inçe scri sö i daé dl documënt de identificaziun dl litadù che atestëia. Chësta anotaziun messarà gnì metüda dlungia la firma de chël che atestëia.

Sce al ess da saltè fora desvalianzes de minunga danter i mēmbri dl ofize lital o danter i rapresentanc de lista por éi che reverda la identificaziun di litadus, ti spéte al presidēt da tó la dezijiun aladô dl art. 53 l.r..

18. Presentaziun dl zertificat lital, dla sentēza dla Curt d’Apel o dla detlaraziun dl ombolt (art. 50 l.r.)

Do che le litadù é gnü identifiché móstrel sö le zertificat lital, sön chël che le cumpèdausc mēt sö le stempl dla seziun y la data.

Un di cumpèdausc anotēia spo tl register preodü, por vigni litadù, le numer dl zertificat lital y le numer de iscriziun tla lista litala dla seziun.

Le litadù che se presēta a lité cun na sentēza o la detlaraziun dl ombolt (art. 42 l.r.) mostra sö impede le zertificat lital la sentēza o l’atestaziun, sön chëra che le presidēt injunta l’anotaziun che al é gnü dè jö la usc, süa firma y le stempl dla seziun. L’inom dl litadù vëgn scrit sö tl paragraf preodü tl verbal dl ofize lital.

19. Surandada dla zetola litala y dl raisplais copiënt. Espresciun dla usc (artt. 50 - 51 l.r.)

Le presidēt ti surandà al litadù le raisplais copiënt por dè jö la usc y la zetola litala le lascian verifiché instēs che chësta ultima é autenticada aladô dles prescriziuns cun le stempl dla seziun. Al foss bun che le presidēt dla sēnta litala ti surandess a vigni litadù la zetola litala daverta a na maniera che an pois verifiché che al n’ é nia scrites o d’atri sēgns lassura.

Le litadù s’un va spo te cabina por dè jö la usc; dedô ôjel adöm la zetola litala sciöche ara ê ôta adöm denant y ti dà spo jö al presidēt la zetola litada y le raisplais copiënt.

Sce la zetola litala ne n’ é nia gnüda ôta adöm dal litadù le inviēia le presidēt da la oje adöm, le fazon jì derevers te cabina.

Canche al vëgn retü la zetola litala:

- **verifichëia** le presidēt sce la zetola litala é chëra che al ti â surandè al litadù;

- **controlëia** le presidënt che al ne sides degügn sëgns o degönes mersces sön les perts deforaia che pois portè a reconesce le litadù;
- **sciüra ite** le presidënt la zetola tla urna destinada a tó sö les zetoles litades.

N iade che la zetola litala é metüda tla urna fej le presidënt atestè la retüda dla zetola litala fajon firmé un n cumpëdausc, dlungia l'inom dl litadù, tla corona dla lista dla seziun destinada por chësc.

Adöm cun la zetola litala mëss le litadù ince ti dè jö al presidënt le raisplais copiënt. Sce al ne vëgn nia dè jö la zetola litala o le raisplais copiënt mëssel gnì scrit sö tl verbal.

20. Caji particulars che po gnì a s'al dè tratan les lîtes (artt. 42-43-48 l.r.)

1. Caje olache al se presënta a lité n litadù cun n handicap fisich (art. 48 l.r.)

Al é da conscidré litadus cun n handicap fisich chi che é verc, zënza mans, paralisà o che é impedis por öna de chëstes gaujes. Chisc litadus po dè jö süa usc cun l'assistënza de n acompagnadù che ëi se à chiri fora, a condiziun che al sides scrit ite tles listes litalas de n comun dla Provinzia de Balsan.

Sce l'impedimënt ne n'é nia tler pol gnì desmostrè tres n zertificat dl dotur che mëss gnì scrit fora debann y zënza degun dërt o martl da bol dai doturs nominà dala autorité sanitara a scrì fora de te' zertificac, a condiziun che ai ne sides nia candidac.

Le zertificat dl dotur mëss desmostrè che le handicap ne ti pormët nia al litadù de dè jö süa usc zënza l'aiüt de n acompagnadù; n iade che le zertificat é gnü mostrè sö él da inserì tla coperta preodüda che vëgn metüda tl injop nr. 1.

Degun litadù ne po ti fà da acompagnadù a n litadù cun n handicap fisich plü co un n iade. Sön le zertificat lital dl acompagnadù fej le presidënt dla sënta litala olache al à fat da acompagnadù na anotaziun, laprò vëgnel ince anotè tl verbal l'inom y le cognom dl acompagnadù y dl litadù acompagné.

Denant che ti surandè la zetola litala mëss le presidënt:

- a) **ti damanè** al acompagnadù dl litadù cun n handicap fisich le zertificat lital, por s'assiguré che al pois lité y che al ne ti ais nia bele fat da acompagnadù a valgügn d'atri;

b) **verificché** cun na domanda aposta sce le litadù s'à chirì fora lëdiamënter so acompagnadù.

2. *Caje olache al se presënta n litadù che à le dërt de lité sön la basa dla sentënza dla Curt d'Apel o dla detlaraziun dl ombolt aladô dl art. 42, lëtra b) l.r.*

Denant che ti dè jö la zetola litala al litadù che se presënta cun la sentënza dla Curt d'Apel o cun la detlaraziun dl ombolt mëss le presidënt:

- a) tó vijiun dla sentënza dla Curt d'Apel o dla detlaraziun dl ombolt che le detlarëia litadù dl comun y la mëte tla coperta preodüda dl injop nr. 1;
- b) fà scrì sö tl verbal l'inom dl litadù;
- c) injuntè l'inom de chësc litadù ala fin dla lista dla seziun (art. 42, ultimo coma, l.r.).

La zetola litala che le presidënt ti surandà a chësc litadù mëss gnì tuta fora de chëres autenticades.

En cunt de chësc él da mëte averda che sce le litadù ne n'è nia scrit ite tles listes dla seziun ne n'él nia gnü autentifiché la zetola litala corespognënta. Al va porchël debojëgn che le presidënt barates fora atira la zetola vigni iade che al ti nen vëgn surandè na autenticada a n litadù nia scrit ite cun n'atra tuta fora dl poch dles zetoles dessorora. Chësta zetola litala vëgn timbrada dal presidënt y metüda tla urna o tla cassëta destinada a contignì les zetoles litalas autenticades.

3. *Caje olache al é litadus dà dant tl art. 42 lëtra c) y d), l.r. che lîta*

I mëmbri dla sënta litala, i rapresentanc dles listes di candidac, i ofiziers y i rapresentanc dla Forza publica en sorvisc dl ordinn publich lîta tla seziun olache ai laora o é en sorvisc, inçe sce ai ne n'è nia scric ite tles listes dla seziun, a condiziun che ai sides litadus de n comun dla Provinzia de Balsan.

Les agevolaziuns preodüdes por i ofiziers y i mëmbri dla Forza publica vëgn adorades inçe ti confrunc di funzionars dla segurëza publica.

Por i mëmbri dl ofize lital y por i rapresentanc de lista ne val debojëgn de degöna anotaziun particolare revardënta la identificaziun, porvia che ara se trata de litadus bele identificà. Te vigni caje mëssi mostrè sö le zertificat lital de n comun dla Provinzia de Balsan.

I candidac po lité te na seziun dla Provinzia de Balsan a caje, mostran sö le zertificat lital.

Denant che ti surandè la zetola litala ai litadus dà dant chilò dessura mëss le presidënt fà scrì sö tl verbal l'inom dl litadù che à damanè de lité.

Les zetoles litalas surandades ai litadus nominà te chësc numer mëss da iade a iade gnì baratades fora aladô de coche al vëgn dè dant tl nr. 2 da denant.

I inoms de chisc litadus mëss gnì injuntà ala fin dla lista dla seziun.

4. Caje olache al se presënta a lité i litadus dà dant tl art. 43 l.r.

I soldas y i mëmbri di corps organisà militarmënter al sorvisc dl Stat, sciöche incé i mëmbri dla Polizia de Stat po lité tl comun olache ai é en sorvisc.

Ai po lité te vigni seziun y, do ester gnüs identificà y avëi mostrè sö le zertificat lital, dan dai atri litadus, a condiziun che ai sides litadus de n comun dla Provinzia de Balsan.

Ai ne po nia se presentè a lité en ligna o armà.

Chisc litadus, sce ai ne resultëia nia bele scrié ite tla lista dla seziun, vëgn scrié ite ala fin de chësta; tla lerch aposta rresservada ales anotaziuns vëgnel scrit sö le Comando militar o le corp organisé militarmënter da chël che le litadù depënn; les zetoles litalas surandades a chisc litadus é da tó fora de chëres autenticades che é da baratè fora da iade a iade, aladô de coche al vëgn dè dant tl nr. 2 da denant.

5. Caje olache al se presënta a lité litadus che ne n'è nia bugn de jì, aladô dl art. 1 dla lege di 15 de jenà 1991, nr. 15

I litadus che ne n'è nia bugn de jì, scrié ite tles listes litalas de na seziun che ne n'è nia te na costruziun da ti podëi pomez cun le scagn a rodes, po lité te na seziun litala dl comun arjignada ite te na sënta zënza ostacui architetonics.

Denant che ti surandè les zetoles litalas a chisc litadus mëss le presidënt:

- a) controlè che le litadù ais le zertificat lital y le zertificat dl dotur damanè, scrit fora dala autorité sanitaria y che atestëies le handicap;
- b) fà scrì sö tl verbal l'inom dl litadù che ne n'è nia bun de jì sciöche incé le numer dla seziun litala te chëra che al é scrit ite.

Le litadù che ne n'è nia bun de jì dà jö süa usc tla cabina o pro la mësa arjignada ca aposta da ti pormëte de dè jö la usc a chësta categoria de litadus.

Les zetoles litalas surandades a chisc litadus mëss gnì tutes fora de chères autenticades y baratades fora da iade a iade sciöche al vëgn dè dant tl nr. 2 da denant.

Les atestaziuns dl dotur dades jö é da inserì tla coperta preodüda che é spo da mëte tl injop nr. 1.

I inoms de chisc litadus mëss gnì injuntà ala fin dles listes di litadus dla seziun (art. 1, coma 4, l. 15/91).

6. Caje olache le litadù constatëia che la zetola litala che le presidënt ti à surandè é rovinada, o che ël instës la rovina, por slobraria o por ignoranza (art. 50, secundo coma, l.r.)

Sce le litadù constatëia che la zetola litala che ti é gnüda surandada é rovinada pol ti nen damanè n'atra al presidënt, a condiziun che al retes chëra rovinada.

Le presidënt scrî sön la zetola litala retüda la indicaziun „zetola litala rovinada“, la firma y la mët tla coperta preodüda che é da inserì tl injop nr. 1.

Al litadù che à retü la zetola litala rovinada mëss le presidënt ti nen dè n'atra la tolon fora de chères autenticades, do avëi scrit sö tla lista dla seziun, dlungia l'inom dl litadù che al ti é gnü surandè na secunda zetola litala.

La zetola litala mëss atira gnì baratada fora cun n'atra che é da tó fora dles zetoles litalas dessorora y da autentifiché aladô de coche al é bele gnü dè dant tl nr. 2.

Le numer total dles zetoles litalas retüdes dai litadus porvia che ares ê rovinades mëss gnì dè dant tl verbal.

7. Caje olache le litadù ne dà nia jö süa usc te cabina (art. 48)

Te chësc caje vëgnel anulè la zetola litala cun la sotescriziun dl presidënt y de dui cumpëdausc y metüda tla coperta preodüda che é spo da inserì tl injop nr. 1.

Le litadù ne po nia plü dè jö süa usc; so inom vëgn scrit sö tl verbal.

8. Caje olache le litadù pisima aposta tl dè jö la usc (art. 41 l.r.)

La valutaziun por cí che reverda la intenzionalité dla pisima mëss gnì fata dal presidënt, tignon cunt dl tēmp che va debojëgn por dè jö la usc. Al n'è nia da conzede che chësta operaziun se prolungëies plü de chël che al va debojëgn,

eventualmënter cun la consequènza de spostè o de architè sö la lita di atri litadus.

La zetola litala retüda dal litadù zënza degöna usc vëgn anulada cun la sotescriziun dl presidënt y de dui cumpëdausc y é spo da mëte tla coperta preodüda dl injop nr. 1.

Tl medemo tëmp gnaràl tut n'atra zetola litala fora de chères dessorora y - do che ara é gnüda timbrada aladô dles prescriziuns - metüda impede chëra anulada tla urna o tla cassëta che contëgn les zetoles litalas autenticades.

Le litadù en chestiun ne podarà nia plü lité ater co do che düc i atri litadus presënc ne l'ais fat.

L'inom di litadus arlontanà y che ne n'à nia plü podü se presentè a dè jö la usc sciöche ince chël di litadus arlontanà y che à indô podü lité vëgn scrit sö tl verbal.

9. Caje olache le litadù ti ret al presidënt na zetola litala che ne corespogn nia a chères preodüdes dal art. 28 l.r., o che ne n'à nia le stempl (art. 50, ultimo coma, l.r.)

Chësta zetola litala ne mëss nia gnì metüda tla urna; ara mëss indere gnì vidimada atira dal presidënt y da dui cumpëdausc y gnì metüda tla coperta preodüda da inserì tl injop nr. 1; tl verbal él da scrì sö l'inom dl litadù. Le fat mëss gnì scrit sö tla lista dla seziun, dlungia l'inom dl litadù.

Le litadù ne po nia plü dè jö la usc.

Le presidënt valutarà sce al é le caje de aratè la zetola litala falsificada; te chësc caje se fistidiaràl de pluré le litadù, aladô dl art. 100, coma 2 dl T.U. nr. 361 y mudaziuns suandëntes.

10. Caje olache le litadù ne ret nia la zetola litala che le presidënt ti à surandè

Sce al ne vëgn nia retü la zetola litala mësson fà na anotaziun apostata tl verbal, dan dant l'inom dl litadù. Ince tla lista dla seziun él da fà na anotaziun valia dlungia l'inom dl litadù.

11. Caje olache le litadù ne ret nia le raisplais copiënt adorè por dè jö la usc (art. 50)

Ince sce le litadù ne ret nia le raisplais copiënt mëssel gnì fat na anotaziun aposta tl verbal dla seziun sön öna dles plates blançes ala fin, dan dant l'inom dl litadù.

Le president se fistidiarà de pluré dan signoria i litadus dà dant ti numeri 10 y 11 acioche al vëgnes apliché les strafunghes preodüdes dal art. 110 dl T.U. di 30 de merz 1957, nr. 361 y mudaziuns suandëntes.

21. Lîtes de chi che é te na ciása de cura y de chi che é te porjun che à le dërt de lité

1. Lîtes tles seziuns metüdes sö tles ciases de cura

Por la esecuziun dles lîtes tles seziuns metüdes sö tles ciases de cura vèlèl cí che é gnü dè dant ti paragrafs da denant, laprò ince les anotaziuns sön i registri di zertificac litai.

I litadus scrié ite tles listes dles seziuns en chestiun lîta do avëi mostrè sö le zertificat lital.

Por lité mëss i litadus autorisà a le fà tla seziun dl ospedal aladô dl art. 44 l.r., mostrè sö, a pert le zertificat lital, l'atestaziun dada dant tl terzo coma, lëtra b) dl art. 44 nominé. Chësta atestaziun mëss gnì metüda tla coperta preodüda che é spo da inserì tl injop nr. 1.

Sce n litadù ne vëgn nia dant tla lista di litadus autorisà da lité aladô dl art. 44 dada jö dal ombolt y sce al se presënta a lité, **mëss le president sambëgn le lascè fà**, porvia che la lista instëssa ne basta nia.

Ma sce al é gnü metü sö tla ciása de cura de plü seziuns po le president se fistidié denant che autorisé le litadù a dè jö süa usc, che an controlëies che al ne vëgnes nia bele dant te n'atra seziun.

La zetola litala da ti surandè al litadù mëss gnì tuta fora de chères bele autenticades y mëss gnì baratada fora aladô de coche al vëgn dè dant tl paragraf 20.

Tl momënt che i litadus che dà jö süa usc tles seziuns litalas dl ospedal aladô dl art. 44 lîta, vëgni scrié ite dal president tla lista di litadus dla seziun.

Sciöche an odarà plü inant se fistidiarà la sënta litala speziala preodüda dal art. 46, l.r., dla racoiüda dles usc di amarà che ne po nia se möie.

2. *Lîtes tles cíases de cura cun manco de 100 leé (art. 47 l.r.)*

Les usc di litadus tué sö tles cíases de cura cun manco de 100 leé vëgn coiüdes adöm tles ores olache les lîtes é davertes personalmënter dal presidënt dla seziun che à te so raiun la cíasa de cura instëssa.

Le presidënt dla seziun va tla cíasa (o tles cíases) de cura por cöie adöm les usc di litadus tué sö chilò, tles ores fates fora denant cun la direziun sanitara dla cíasa de cura y do avëi metü sö l'ofize lital periferich dla seziun, formè dal presidënt instës, da n cumpëdausc nominé tiran ala niza y dal scrivan dla sënta litala.

Porvia che i laürs litai mëss jì inant regularmënter tla seziun inçe canche le presidënt y le scrivan mancía, vëgn les funziuns dl presidënt surantutes dal vizepresidënt, deperpo che chères dl scrivan ti vëgn surandades tl momënt che al vëgn metü sö l'ofize lital periferich dal presidënt a n ater cumpëdausc.

I rapresentané de lista tla seziun che s'al damana po tó pert ala racoiüda dles usc di litadus che é tles cíases nominades chilò dessura.

Les zetoles litalas autenticades por les lîtes, te n numer vali a chël di litadus tué sö, aumentè dl 10%, vëgn tignides sö tla coperta preodüda.

Sce al ti vëgn surandè ala seziun plü de öna na cíasa de cura mëss les zetoles litalas autenticades gnì metüdes te **copertes separades por vigni cíasa de cura**.

A pert les zetoles litalas se tol le presidënt inçe para les listes di amarà che à le dërt de lité y döt le material che va debojëgn por les lîtes (raisplais copiënt, verbai, listes litalas injuntades, stempl y i.i.). **Le timber vëgn madër adorè por amarscè i zertificaé litai.**

Por cí che reverda les listes dades dant chilò dessura vëgnel fat referimënt al nr. 1 da denant en relaziun ales listes di litadus che à le dërt de lité tles seziuns dl ospedal.

Les zetoles litalas rovinades, les zetoles litalas retüdes porvia che ares ne corespognô nia ales normes dla lege o nia timbrades, les zetoles litalas retrates a litadus che refodâ de s'anuzé di mesi arjignà ca por garanti la liberté y la segurëza dles lîtes, les zetoles litalas retrates a litadus che pisimâ tl dè jö süa usc, mëss gnì tignides sö te injops aposta (por chi che al po gnì adorè les copertes che é tl poch dla canzlaria) y metüdes dedô pro les medemes zetoles litalas adorades inçe tla seziun.

Le presidënt mëss scrì sö tla lista litala injuntada aposta i litadus che à dè jö süa usc.

Sce al ti é gnü surandè ala seziun plü de öna na cíasa de cura mëssel gnì adorè por la registraziun di litadus che à dè jö süa usc **madër öna na lista litala injuntada**.

Le cumpèdausc scrî sö tl register preodü le numer dl zertificat lital di litadus.

Por la atestaziun di laûrs desfirà fora te de plü cíases de cura surandades ala medema seziun mëssel gnì scrit fora **verbai despartis**.

Do che al é gnü lité vëgn les zetoles litalas, ôtes adöm sciöche al alda, metüdes tla coperta preodüda y portades tla sènta litala dla seziun, olache ares vëgn metüdes tla urna destinada a contignì les zetoles litades, do che al é gnü controlè so numer cun chël di litadus amarà che à lité.

3. Laûrs litai tles cíases de cura cun almanco 100 y cina 199 leć (art. 46 l.r.)

Les usc di litadus tuć sö ti ospedai y tles cíases de cura cun almanco 100 y cina 199 leć vëgn coiüdes adöm dala sènta litala speziala tles ores olache les lîtes é davertes.

Por chësc fin va le presidënt dla sènta litala speziala, tles ores fates fora denant cun la direziun sanitaria dla cíasa de cura, adöm cun le cumpèdausc y le scrivan dla sènta litala speziala, sciöche inće i rapresentancé de lista che à damané de podèi tó pert ai laûrs revardënc, tla cíasa de cura.

Tla coperta preodüda se tòlon para les zetoles litalas autenticades por les lîtes, te n numer vali a chël di litadus amarà, aumentè dl 10%.

Sce al ti é gnü surandè ala seziun plü de öna na cíasa de cura cun almanco 100 y cina 199 leć, mëss le presidënt dla sènta litala speziala se fistidié de mète les zetoles litalas autenticades y litades **te copertes separades por vigni cíasa de cura**.

A pert les zetoles litalas se tol le presidënt dla sènta litala speziala inće para les listes di amarà che à le dërt de lité, sciöche inće le material che va debojëgn por les lîtes (raisplais copiënt, verbai, listes litalas injuntades, stempl y i.i.). **Le timber vëgn madër adorè por amarscè i zertificac litai**.

Por cí che reverda les listes dades dant chilò dessura vëgnel fat referimënt a cí che vëgn dant tl nr. 1 da denant en relaziun ales listes di litadus che à le dërt de lité tles seziuns dl ospedal.

Les zetoles litalas rovinades, les zetoles litalas retüdes porvia che ares ne corespognô nia ales normes dla lege o nia timbrades, les zetoles litalas retrates a litadus che refodâ de s'anuzé di mesi arjignâ ca por garantì la liberté y la segurëza dles lîtes, les zetoles litalas retrates a litadus che pisimâ tl dè jö súa usc, mëss gnì tignides sö te injops aposta (por chi che al po gnì adorè les copertes che é tl poch dla canzlaria) y metüdes dedô pro les medemes zetoles litalas adorades iné tla seziun.

Le presidënt dla sënta litala speziala mëss scrì sö tla lista litala injuntada aposta i litadus che à dè jö súa usc.

Sce al ti é gnü surandè ala seziun plü de öna na cíasa de cura cun almanco 100 y cína 199 leé mëssel gnì adorè por la registraziun di litadus che à dè jö súa usc **madër öna na lista litala injuntada**.

Le cumpëdausc scrî sö tl register preodü le numer dl certificat lital di litadus.

Por la atestaziun di laûrs desfirâ fora te de plü cíases de cura surandades ala medema seziun mëssel gnì scrit fora **verbai despartis**.

Do che al é gnü lité vëgn les zetoles litalas, ôtes adöm sciöche al alda, metüdes tla coperta preodüda y portades tla sënta litala dla seziun, olache ares vëgn metüdes tla urna destinada a contignì les zetoles litades, do che al é gnü controlè so numer cun chël di litadus amarà che à lité.

I dovëis dla sënta litala speziala se limitëia **madër** ala racoiüda dles usc di amarà tla cíasa de cura dada dant y **se röia** poranche les zetoles litades é gnüdes portades tla sënta litala dla seziun.

Do che i mëmbri dla sënta litala speziala é gnüs derevers tla sënta dla seziun ne poi porchël plü surantó degöna atra funziun.

4. Modalité por la racoiüda dles usc di amarà che ne po nia jì te cabina tles seziuns dl ospedal y tles cíases de cura cun almanco 200 leé (art. 45, ultimo coma l.r.)

Les usc di litadus amarà ti ospedai y tles cíases de cura cun almanco 200 leé che ne n'é aladô dla direziun sanitaria nia bugn de se möie y porchël nia bugn de jì tla seziun dl ospedal, vëgn coiüdes adöm diretamënter dala sënta litala speziala preodüda dal art. 46 l.r., pro let di amarà tles ores olache les lîtes é davertes.

Por chësc fin va le presidënt dla sënta litala speziala, tles ores fates fora denant cun la direziun sanitara dla ciasa de cura, pro let di amarà che ne po nia jì te cabina, adöm cun le cumpëdausc y le scrivan dla sënta litala speziala, sciöche inçe cun i rapresentanc de lista che à damanè de podëi tó pert ai laûrs revardënc.

Le presidënt dla sënta litala speziala mëss tó düc i provedimënc che va debojëgn por garanti la liberté y le socrèt complet dles lîtes da pert di litadus amarà.

Les zetoles litalas autenticades por les lîtes, te n numer valì a chël di litadus che ne po nia jì te cabina, aumentè dl 10%, vëgn tignides sö tla coperta preodüda.

A pert les zetoles litalas se tol le presidënt inçe para les listes di amarà che à le dërt de lité, sciöche inçe le material che va debojëgn por les lîtes (raisplais copiënt, verbai, listes litalas injuntades, stempl y i.i.). **Le timber vëgn madër adorè por amarscè i zertificac litai.**

Por ci che reverda les listes dades dant chilò dessura vëgnel fat referimënt a ci che vëgn dant tl nr. 1 da denant en relaziun ales listes di litadus che à le dërt de lité tles seziuns dl ospedal.

Les zetoles litalas rovinades, les zetoles litalas retüdes porvia che ares ne corespognô nia ales normes dla lege o nia timbrades, les zetoles litalas retrates a litadus che refodâ de s'anuzé di mesi arjignà ca por garanti la liberté y la segurëza dles lîtes, les zetoles litalas retrates a litadus che pisimâ tl dè jö süa usc, mëss gnì tignides sö te injops aposta (por chi che al po gnì adorè les copertes che é tl poch dla canzlaria) y metüdes dedô pro les medemes zetoles litalas adorades inçe tla seziun.

Le presidënt mëss scrì sö tla lista litala injuntada aposta i litadus che à dè jö süa usc.

Le cumpëdausc scrî sö tl register preodü le numer dl zertificat lital di litadus.

Por la atestaziun di laûrs desfirà fora dala sënta litala speziala mëssel gnì scrit fora n verbal aposta.

Do che al é gnü lité vëgn les zetoles litalas, ôtes adöm sciöche al alda, metüdes tla coperta preodüda y portades derevers tla sënta litala dla seziun, olache ares vëgn metüdes do che al é gnü controlè so numer cun chël di litadus amarà nia bugn de jì te cabina che à lité, tla urna destinada a contignì les zetoles litades.

I dovëis dla sëntra litala speziala se limitèia **madër** ala racoiüda dles usc di amarà tla cíasa de cura olache al é gnü metü sö la seziun y che ne n'è nia bugn de jì te cabina a lité y **se röia** pormanche les zetoles litades é gnüdes portades tla sëntra litala dla seziun.

Do che i mëmbri dla sëntra litala speziala é gnüs derevers tla sëntra dla seziun ne poi porchël plü surantó degöna atra funziun.

5. Laürs litai tles porjuns y tles cíases de custodia preventiva

Por podèi s'anuzé dl dërt de lité te na porjun y te na cíasa de custodia preventiva mëss i prijoniers a chi che al ne ti é nia gnü tut la poscibilitè de lité, mostrè sö, a pert le zertificat lital, l'atestaziun dada dant tl art. 44, coma 3, lëtra b) l.r.. Chësta atestaziun mëss gnì metüda tla coperta preodüda che é spo da inserì tl injop nr. 1.

Les usc di prijoniers che à le dërt de lité vëgn coiüdes adöm te porjun o tla cíasa de custodia preventiva dala sëntra litala speziala preodüda dal art. 46 l.r. tles ores olache les lîtes é davertes.

Le presidënt dla sëntra speziala va te porjun, tles ores fates fora denant cun la direziun dla porjun, adöm cun le cumpëdausc y le scrivàn dla sëntra speziala, sciöche inée cun i rapresentanéc de lista che à damanè de podèi tó pert ai laürs revardënc.

Les zetoles litalas autenticades por les lîtes, te n numer valì a chël di litadus sarà ia chilò y che à le dërt de dè jö la usc, aumentè dl 10%, vëgn tignides sö tla coperta preodüda.

Sce al ti é gnü surandè ala seziun plü de öna na porjun mëss le presidënt dla sëntra litala speziala se fistidié de mëte les zetoles litalas autenticades y litades **te copertes separades por vigni porjun.**

A pert les zetoles litalas se tol le presidënt dla sëntra litala speziala inée para les listes di prijoniers che à le dërt de lité, sciöche inée le material che va debojëgn por les lîtes (raisplais copiënt, verbai, listes litalas injuntades, stempl y i.i.). **Le timber vëgn madër adorè por amarscè i zertificac litai.**

Les zetoles litalas rovinades, les zetoles litalas retüdes porvia che ares ne corespognò nia ales normes dla lege o nia timbrades, les zetoles litalas retrates a litadus che refodâ de s'anuzé di mesi arjignà ca por garantì la liberté y la segurèza dles lîtes, les zetoles litalas retrates a litadus che pisimâ tl dè jö süa usc, mëss gnì tignides sö te injops aposta (por chi che al po gnì adorè les copertes che

é tl poch dla canzlaria) y metüdes dedô pro les medemes zetoles litalas adorades inće tla seziun.

Le presidënt dla sënta litala speziala mëss scrì sö tla lista litala injuntada aposta i litadus che à dè jö süa usc.

Sce al ti é gnü surandè ala seziun plü de öna na porjun mëssel gnì adorè por la registraziun di litadus che à dè jö süa usc **madër öna na lista litala injuntada**.

Le cumpèdausc scrî sö tl register preodü le numer dl certificat lital di litadus.

Por l'atestaziun di laûrs desfirà fora te de plü porjuns surandades ala medema seziun mëssel gnì scrit fora **verbai despartis**.

Do che al é gnü lité vëgn les zetoles litalas, ôtes adöm sciöche al alda, metüdes tla coperta preodüda y portades tla sënta litala dla seziun, olache ares vëgn metüdes do che al é gnü controlè so numer cun chël di litadus sarà ia che à lité, tla urna destinada a contignì les zetoles litades.

I dovëis dla sënta litala speziala se limitëia **madër** ala racoiüda dles usc di prijoniers che à le dërt de lité tla porjun dada dant y **se röia** pornanche les zetoles litades é gnüdes portades tla sënta litala dla seziun.

Do che i mëmbri dla sënta litala speziala é gnüs derevers tla sënta dla seziun ne poi porchël plü surantó degöna atra funziun.

22. Laûrs da desfiré fora tratan les lîtes, a pert chi dà dant ti paragrafs da denant

Acioche al vëgnes desfiré fora en general zënza problems i laûrs y acioche al vëgnes cumpedè debota les usc, mëss i presidënc se fistidié ia por le dé y te vigni caje denant che al vëgnes stlüt jö les lîtes che al vëgnes:

- controlè che i litadus scrié ite tla lista y che à lité corespones cun i numeri di certifacé litai scrié sö ti registri preodüs. Chësta oblianza va debojëgn por controlè le numer di litadus y por ti al lascè alsavëi al comun dla seziun ti orars facé fora (11-17-22);
- fat lité i litadus dà dant tla lëtra c) dl art. 42 l.r. (presidënt, cumpèdausc, scrivän dla sënta litala, rapresentanc de lista, ofiziers y mëmbri dla Forza publica en sorvisc dl ordinn publich) ti momënc olache al é manco jënt y scrit sö atira i inoms jödapé dla lista;

- scrit sö jödapé dla lista dla seziun y cun n numer progressif i litadus che po lité sön la basa de na sentënza o dla detlaraziun dl ombolt (art. 42, lëtra b, l.r.), i soldas y i mēmbri de corps organisà militarmēnter en sorvisc por le Stat, sciöchē incē i mēmbri dla Polizia de Stat;
- scrit fora düc i paragrafs dl verbal, canche le caje preodü se verificheia;
- metü sön düc i modei y sön les copertes l'inom dl comun, le numer dla seziun y, sce al é preodü, le stempl dla seziun;
- coiü adöm les zetoles litalas nia autenticades y scrit sö vigni iade che al nen vëgn tut fora de chësc poch por completè le numer de chères autenticades denant che al mētes man les lites.

23. Stlūta dles lites (artt. 52 y 54 l.r.)

Al vëgn lité cina les 22.00.

Sce al é indere da chëst'ora ciamò litadus te salf che ne n'à nia lité, fej le presidēt scrì sö sü inoms y i lascia lité tl ordinn che ai é gnüs scrié sö.

Spo detlarēia le presidēt les lites stlūtes.

24. Oblianzes da adempli pornanche al vëgn stlüt jö les lites (art. 54 l.r.)

N iade che les lites é gnüdes detlarades stlūtes se fistidiēia le presidēt de:

- a) sigilé la urna che contëgn les zetoles litades;
- b) controlè sön la basa di verbai y dles listes dla seziun:
 1. *le numer di litadus scrié ite tles listes dla seziun autenticades dala comisciun litala dl raiun, **che à lité**;*
 2. *le numer di litadus che à lité sön la basa de na sentënza o de n'atestaziun scritta fora dal ombolt y che é gnüs injuntà jödapé dles listes; te chësc numer ne n'él nia da cumpedè laprò i litadus che à podü lité cun n atestat dl ombolt che dô sostituì le zertificat lital y che é gnü scrit fora por lité madër un n iade su (art. 7 D.P.R. 299/2000), porvia che i litadus é bele scrié ite tles listes dades dant tl nr. 1;*

3. *le numer di mēmbri dl ofize lital dla seziun, di rapresentanć de lista tla seziun, di ofiziers y di mēmbri dla Forza publica, en sorvisc dl ordinn publich scrić ite te d'atres seziuns y injuntà jödapé dles listes, che à lité tla seziun;*
 4. *le numer di litadus nia bugn de jì, che à lité tla seziun y che é gnüs injuntà jödapé dles listes;*
 5. *le numer di candidać che à lité tla seziun, scebēgn che ai é scrić ite te d'atres seziuns y che é gnüs injuntà jödapé dles listes;*
 6. *le numer di litadus che fej pert dles forzes armades, de corps organisà militarmēnter en sorvisc dl Stat y dla Polizia de Stat scrić ite te d'atres seziuns y injuntà jödapé dles listes;*
 7. *le numer di litadus che à podü lité aladô dl art. 44 l.r. y che é gnüs injuntà jödapé dles listes tles seziuns dl ospedal, tles seziuns olache al ti é gnü surandè ćiases de cura cun manco de 100 leć, tles seziuns olache al ti é gnü surandè ćiases de cura cun almanco 100 y ćina 199 leć y tles seziuns olache al ti é gnü surandè porjuns y ćiases de custodia preventiva.*
- c) controlè che le numer di litadus y le numer di zertificać litai scrić sō tl register preodü corespognes bēgn, chēsc ultim aumentè dl numer di litadus che à podü lité sōn la basa de na sentēza o de na detlaraziun dl ombolt y smendri dl numer di litadus che ne n'à nia lité, belanfāt por ċi gauja, scebēgn che al sides gnü scrit sō so zertificat tl register preodü;
- d) stlūje tla urna che contignî les zetoles litalas autenticades le stempl dla seziun, les listes dla seziun che é gnüdes timbrades y firmades dal president y da dui cumpēdausc y dōt l'ater material de papier; se fistidié de sigilé y formè n poch sigilé cun le material che ne n'à nia lerch tla urna;
- e) spostè i laûrs ales 7.00 dadoman dl dé do y do che al à desgort düć fora dl salf lital, se fistidié che le salf lital vėgnes vardè da deforaia, a na manira che degügn ne pois ite. I rapresentanć de lista po stè dan le salf lital tl tēmp che chēsc resta stlüt.

25. Oblianzes finales di laûrs preodüs por la domēnia

Do avēi controlè che dōtes les portes y düć i azesc al salf lital sides bēgn stlūć regolarmēnter da daite, se fistidiēia le president cun l'aiüt di mēmbri dl ofize

lital de sigilé dotes les portes y les finestres cun strisciores de papier da cola, metüdes a na manira che ares se scherzes cun vigni pice spostamënt dles portes o dles finestres. Sön chëstes strisciores él le presidënt y almanco dui cumpëdausc che firma.

I medemi laûrs vëgn inçe fac sön la porta deforaia pornanche düc é fora dl salf lital.

Por la verda dl salf lital da deforaia se la fajarà fora le presidënt cun la Forza publica en sorvisc tla sënta litala.

Cuarta pert

La cumpëda dles usc

26. Recomposiziun dl ofize lital y laûrs preliminars dla cumpëda dles usc

Dales 7.00 dadoman dl lõnesc do le dé dles lites mët le presidënt indô sö l'ofize lital y inviëia i rapresentanc de lista presënc a tó pert ai laûrs litai y a se sentè olache al ti vëgn dit.

Dedô se fistidiëia le presidënt de ti partì fora ai cumpëdausc les inciaries por realizé la cumpëda dles usc; danter i inoms di cumpëdausc ater co chël dl scrivani, tìrel fora ala niza l'inom de chël cumpëdausc che messarà trà fora dla urna les zetoles litades; spo ti surandàl a n ater cumpëdausc y al scrivani dla sënta litala le dovëi de registré te na manira despartida les usc che gnarà man man lites jö dles zetoles litalas.

Ala cumpëda dles usc pol madër tó pert i litadus dla seziun, a pert, sambëgn, i rapresentanc dla lista tla seziun.

27. Cumpëda y registraziun dles usc

Por la cumpëda dles usc mëssel gnì tignì ite chëstes normes:

- a) le cumpëdausc trat fora ala niza tol fora dla urna vigni zetola litala y ti la surandà al presidënt, che dij dadalt le simbol dla lista (y, sce al va debojëgn, le numer dla lista por chëra che al é gnü dè jö la usc) y i inoms di candidac che à ciafè la usc; sce al ne n'é gnü dè jö degöna usc sön la zetola litala, sce la zetola litala ne corespogn nia ales normes dla lege o sce ara ne n'é nia timbrada, mëssera **atira** gnì vidimada iadedô cun la firma dl presidënt y de almanco dui cumpëdausc; denant che al vëgnes lit

les usc contignüdes tla zetola litala controlëia le president, inçe sön consëi di cumpëdausc che é dlungia d'ël, sce al po ester gaujes de contestaziun;

- b) le president ti passa spo la zetola litala a n ater cumpëdausc che la mët pro chëres bele controlades che à le medemo simbol; chësc cumpëdausc mët adöm les zetoles litalas cumpedades aladô di grups dà dant tl art. 58 l.r.;
- c) do vigni usc registrada anunziëia le scrivan dadalt le total dles usc arjunt dala lista o dal candidat y le cumpëdausc, che à le secundo ejemplar dla tabela dles usc cumpedades, confermëia chësc numer le dijon éiamò n iade dadalt. Sce i numeri ne corespogn nia lascia le president atira controlè éi che ne va nia.

Les zetoles litalas po madër gnì piades ite dai mëmbri dla sënta litala.

Al é proibì da tó fora dla urna na zetola litala nòia sce chëra trata fora denant ne n'é nia gnüda cumpedada, metüda ia y les usc lassura registrades.

28. Caji de nulité – zetoles blançes – zetoles y usc contestades (artt. 56-57 l.r.)

La validité dles zetoles litalas y dles usc scrites sö lassura mëss gnì ametüda vigni iade che ara va da capì la **dërta orentè dl litadù**; madër canche an po desmostrè te na manira nia da contestè che le litadù ais orü fà reconësce süa usc ne vel les usc nia.

1. En particular vëgnel aratè **nia varëntes les usc** contignides tles zetoles litalas:
 - a) che presënta scritöres o sëgns che po portè a crëie, **te na manira nia da contestè**, che le litadù ais orü fà reconësce süa usc; al mëss gnì tignì cunt che i sëgns che po ti tó la valüta ala usc o ala zetola litala é madër chi faé dal litadù, stlüc fora porchël i sëgns tipografics o de n'atra sort;
 - b) te chëres che le litadù à dè jö süa usc por plü de öna na lista y che ara ne va nia da identifiché la lista chirida fora, gnanca cun la indicaziun dla usc de preferënza;
 - c) le litadù ne n'à nia dè jö süa usc por la lista y à dè jö usc de preferënza por candidac che fej pert de listes desvalies.

2. Les **zetoles litalas ne vel nia**:

- a) canche ares ne corespogn nia ales normes de lege porvia che an se les à suraodüdes ti controï tratan les lîtes o ne n'è nia timbrades;
- b) canche ares ne dij fora la usc por degöna lista y por degun candidat (zetoles blançes). Canche chëstes zetoles litalas vëgn cumpedades, mësseres gnì vidimades ia dedô cun la firma dl presidënt y de almanco dui cumpëdausc.

3. Les usc de preferënza **ne vel nia**:

- a) sce al nen vëgn dit fora deplü de chël che ê gnü stabili; te chësc caje vèl les prömes cater;
- b) sce le candidat ne n'è nia gnü designé tlermënter da le desfarenzié da vigni ater candidat dla medema lista.

4. Les usc de preferënza por candidaé che fej pert de n'atra lista de chëra litada **ne n'à nia faziun**.

Sides la nulité dla usc de lista co la nulité dla zetola litala determinëia, da süa pert, la nulité de dotes les usc dites fora dala zetola litala instëssa. Al contrar ne mëss la nulité dla usc de preferënza o les contestaziuns eventuales por cí che reverda chësta nia nezesciariamënter portè ala nulité dla zetola litala; sce ara ne vëgn apuntin nia anulada por d'atres gaujes réstera varënta por i efec dla usc dla lista.

Tratan la cumpëda pol sozede inzidënc y gnì contestè la validité de na scheda o l'atra, en referimënt sides dla usc de lista co dla usc de preferënza.

Por cí che reverda l'assegnaziun dles **usc contestades** él le presidënt dla sënta litala, do che al à aldi la minunga obligatora mo nia liënta di cumpëdausc, che tol la dezijiun. Les dezijiuns dl presidënt é indere provisosores porvia che les usc contestades y provisoriamënter nia assegnades vëgn ejaminades éiamò n iade dal ofize lital zentral, che tol la dezijiun por cí che reverda la assegnaziun o manco dles usc che va debojëgn por partì fora i scagns danter les listes y protlamè i lità.

Les zetoles litalas contestades y chëres che corespogn ales usc contestades mëss **atira** gnì vidimades da almanco dui mëmbri dl ofize lital (art. 55, coma 4, l.r.).

29. Laûrs de control (artt. 51-58 l.r.)

N iade che an à rové de cumpedè adöm les usc fej le presidënt cumpedè *dötes les zetoles litades y registrades* y verificheia sce chësc numer corespogn cun le total che an ciafa sce an cumpèda adöm le numer dles zetoles litales che contëgn usc de lista varëntes, le numer dles zetoles litales che contëgn usc contestades y assegnades, le numer de zetoles litales che contëgn usc contestades mo nia assegnades, le numer de zetoles litales nia varëntes ajache al é gnü anulè la usc de lista, le numer de „zetoles litales anulades“ y le numer de zetoles litales che ne contëgn degöna espresciun dla usc („zetoles blanées“), se tignon a mënt la regola aladô de chëra che vigni usc de lista corespogn a na zetola litala (art. 51 l.r.). Le presidënt se fistidiëia implü cíamò de verifiché sce le numer de chi che à lité fat fora sciöche al vëgn dè dant tl paragraf 24 corespogn cun le total dles zetoles litales cumpedades y registrades.

Stlüc jö i controï dà dant chilò dessura fej le presidënt, aladô dl art. 58 l.r., numerè da dui cumpèdausc les zetoles litales te n ordinn progressif por vignun di cin' grups dà dant chilò dessot:

1. zetoles litales che contëgn usc varëntes;
2. zetoles litales che contëgn usc contestades y assegnades;
3. zetoles litales che contëgn usc nia varëntes o contestades mo nia assegnades;
4. zetoles litales nia varëntes aladô dla lëtra a) dl cuarto coma dl art. 56 l.r.;
5. zetoles litales blanées, chël ô di chëres che ne dij fora degöna usc.

Le scrivän completëia le verbal ti jon do ales istruziuns dl presidënt.

Le scrivän scherza jö por la ligna signada les plates dl verbal revardëntes le resultat dles lîtes y mët ite chëstes plates tla coperta apostä por ti comuniché i daé ala aministrazion comunala; dedô se fistidiëion de mëte adöm i injops nr. 1 y nr. 2.

L'injop nr. 1 contëgn:

- les listes dla seziun y i registri di zertificacé litai;
- le verbal di laûrs dla seziun (scrit fora te vigni süa pert y firmé da duc i mëmbri dl ofize lital dla seziun y eventualmënter dai rapresentané de lista); sce al vëgn dant tl raiun dla seziun cíases de cura o porjuns inée chisc verbal;

- dui exemplars dles tabelas dles usc cumpedades;
- na coperta che contëgn les zetoles litalas cun les usc varëntes;
- na secunda coperta che contëgn les zetoles litalas cun les usc contestades assegnades;
- na terza coperta che contëgn: les zetoles litalas nia varëntes, les zetoles litalas cun les usc anulades, les zetoles blanćes, les zetoles litalas che contëgn usc de lista o de preferënza contestades mo nia assegnades;
- na quarta coperta che contëgn les zetoles litalas rovinades, chères dades jö dal litadù che ne corespognô nia ales normes de lege o che ne n'ê nia timbrades y chères retrates ai litadus arlontanà dala cabina o che s'â refodè de jì ite;
- na quinta coperta che contëgn les retlamaziuns, la nominaziun dla sënta litala, i ac de designaziun di rapresentanc de lista, les sentënzes dla Curt d'Apel, les detlaraziuns dl ombolt y i zertificac dl dotur.

L'injop nr. 1 mëss gnì fat ia sciöche la seziun à ciafè le material; implü mëssel gnì sigilé cun le stempl dla seziun, cun la firma dl presidënt y de almanco dui cumpèdausc.

L'injop nr. 2 contëgn le stempl dla seziun y le material che resta, al alda chilò laprò inće les zetoles litalas nia adorades autenticades o nia.

Sön trami i injops mëssel gnì dè dant le comun y le numer dla seziun.

Trami i injops ti vëgn fac avèi tres la aministrazion comunala al ofize lital zentral, che à so secretariat tla repartiziun provinziala di Sorvisc Zentrai, strada Crispi 3, 39100 Balsan.

30. Ofizi che ne n'è nia bugn de stlüje jö i laürs preodüs por le lönesc

I laürs de cumpèda (cumpèda y registraziun dles usc) mëss gnì fac zënza interuziun dales ores 7.00 ales ores 12.00 dl lönesc do le dé dles lîtes.

Pornanche an à rové de cumpedè les usc mëss le presidënt se fistidié de adempli dotes les oblianzas complementares (stlüta y firma dl verbal – formaziun di injops – consegnaziun di injops – retüda di locai y dles urnes al ombolt y i.i.). Düc i laürs finai messass gnì stlüc jö nia do les 16.00 dl lönesc.

Sce al ne podess, porvia de na forza plü alta, nia gnì stlüt jö la cumpèda tl tēmp normal (12.00 dl lönesc) y gnanca tl tēmp suplementar dles 16.00 (dè dant

normalmënter sciöche tēmp por i laûrs complementars), mēss le presidēt **atira** y cun le meso plü asvelt informè l'ofize lital zentral de chësc; spo desfìrel fora aladô dl art. 59. l.r. chisc laûrs:

- a) al forma n pröm poch che contēgn dōtes les zetoles litalas cumpedades y i dui ejemplars dles tabeles dles usc cumpedades;
- b) al forma n secundo poch che contēgn dōtes les zetoles litalas che é cíamò da cumpedè tl momēt che al vēgn fat stè sò i laûrs;
- c) al forma n terzo poch che contēgn i verbai y düc i atri documēnc y ac che reverda l'ofize lital o te vigni caje che ti é gnüs metüs dant a chësc. Denant che stlūje le poch mēssel gnì scrit sò tl verbal düc i laûrs desfirà fora cina te chël momēt; al mēss dantadöt gnì scrit fora l'ultima pert dl verbal dedicata apuntin ai caji olache al vēgn fat stè sò i laûrs de cumpēda;
- d) al ti fej avēi tres l'aministraziun comunala al ofize lital zentral, che à so secretariat tla repartiziun provinziuala di Sorvisc Zentrai, strada Crispi 3, 39100 Balsan, i trēi poç **sön chi che al se fistidiarà de scrì sò le comun y le numer dla seziun.**

Al ti vēgn recordè al presidēt dla sēnta litala, ai cumpēdausc y al scrivān la responsabilitè che ai porta sce ai ne realisēia nia, nia atira o nia indortōra cí che vēgn dè dant chilò dessura.

31. Retüda al ombolt di locai y dla mobilia dla sēnta litala

Le presidēt se fistidiēia tla finada de ti rete al ombolt o a n so deleghé i locai y les urnes.